





原件短缺

卷1-2

李端集卷第三

五言律詩

酬秘書元丞郊園卧疾見寄

聞說漳濱卧題詩怨歲華求醫主高手執疾
到貧家徹枕銷行蟻移杯失畫蛇門朝几衢
上應見玉人車

送成都韋丞還蜀

蜀門雲樹合高棧有猿愁驅傳加新命之官
向舊遊晨裝逢酒雨夜夢見刀州遠別長相



憶當年莫滯留

晚秋旅舍寄苗員外

爭途苦不前貧病遂車牽向暮同行客當秋
獨長年晚花唯有菊寒葉已無蟬吏部逢今
日還應甕下眠

送惟良上人歸潤州

擬詩偏不類又送上人歸寄世同高鶴尋仙
稱壤衣雨行江草短露坐海帆稀正被空門
縛臨岐乞解圍

元丞宅送朝濟及第東歸省

登龍兼折桂歸去賞高居舊楚楓猶暗前隋
柳已踈月中逢海客浪裏得鄉書見說江邊
住知君不厭魚

送何兆下第還蜀

重江不可涉孤客莫晨裝高木莎城小殘星
棧道長裊猿楓子落過雨荔枝香勸爾成都
住文翁有草堂

早春雪夜寄盧綸呈祕書元丞

聞君隨謝眺春夜宿前川看竹雲垂地尋僧
雪滿船熊寒方入樹魚樂稍離泉獨是羈愁
客唯知惜故年

送友人宰湘陰

從宦舟行遠浮湘又入閩蒹葭無朔鴈檉栝
有蠻神傳吏間調象山精暗訟人唯須千樹
橘暫救李衡貧

送元晟歸江東舊居

澤國舟車接關門雨雪乖春天行故楚夜月

下清淮講易居山寺論詩到郡齋蔣家人暫
別三路草連堦

送黎少府赴陽翟

詩禮稱才子神仙是丈人玉山那惜醉金谷
已無春白馬如風疾青袍奪草新不嫌鳴吠
客願用百年身

送夏侯審遊蜀

西望煙綿樹愁君上蜀時同林宿商客隔棧
見鼠師石滑羊腸險山空杜宇悲琴心本幽

奏鳳凰詩

單推官廳前雙桐詠

封植因高興孤真契素期由來得地早何事
結花遲葉重凝煙後條寒過雨時還同李家
樹爭賦角弓詩

送宋校書赴宣州幕

浮舟壓芳草容裔逐江春遠避看書吏行當
入幕賓夜潮衝老樹曉雨破輕蘋鴛鴦多傷
別樂家德在人

送趙給事姪尉丹陽

太傅憐群從門人亦賤回入官先愛子賜酒
許同杯淮海春多雨蒹葭夜有雷遙知拜慶
後梅尉稱仙才

宿瓜洲寄柳中庸

懷人同不寐清夜起論文月魄正出海鴈行
斜上雲寒潮來灑灑秋葉下紛紛便送江東
去徘徊祇待君

夜宴虢縣張明府宅逢宇文評事

號田留古宅入夜足秋風月影來窓裏燈花
落水中徵詩逢謝客飲酒得陶公更愛踈籬
下繁霜濕菊叢

山下泉

碧水映丹霞濺濺度淺沙暗通山下草流出
洞中花素色和雲落喧聲遶石斜明朝更尋
去應到阮郎家

冬夜集張尹後閣

乘龜兼戴豸白面映朱衣安石還須起泉明
不得歸簷門常吏在登席舊寮稀遠客長先
醉那知亞相威

將之澤潞留別王郎中

弱年知己少前路主人稀貧病期相借艱難
又憶歸事成應未卜身賤又無機幸到龍門
下須因羽翼飛

晚次巴陵

雪後柳條新巴陵城下人烹魚邀水客載酒
奠山神雲去低班竹波迴動白蘋不堪逢楚

老日暮正江春

奉和王元二相公於中書東廳避暑
悽然懷杜太尉

艱難常共理海晏更相悲况復登堂處分明
避暑時綠槐千樹綻紅藥一番遲蓬華今何
幸先朝大雅詩

逢王泌自東京至

逢君自鄉至雪涕問田園幾處生喬木誰家
在舊村山峯橫二室水邑映千門愁見游從

處如今花正繁

送荀道士歸廬山

先生歸有處欲別笑無言綠水到山口青林
連洞門月明尋石路雲霧望花源早晚還乘
鶴悲歌向故園

送張淑歸覲叔

日慘長亭暮天高大澤閑風中聞草木雪裏
見江山馬向塞雲去人隨古道還阮家今夜
樂應在竹林間

送郭參軍赴絳州

登車君莫望故絳柳條春滿澤逢胡鴈桃源
見晉人佐軍髯尚短擲地思還新小謝常携
手因之醉路塵

邊頭作

邠郊泉脉動落日城樓羊馬水草足羗胡
帳幕稠射鵬過海岸殘箭怯邊州何事歸朝
將今年又拜侯

送袁稠游江南

江淮衰草遍十里見長亭客去逢搖落鴻飛
入杳真空城寒雨細深院曉燈清欲去行人
起徘徊恨酒醒

韋員外東齋看花

入花凡幾步此樹獨將留發艷紅枝合垂煙
綠水幽併開偏覺好未落已成愁一到芳菲
下空招兩鬢秋

送友人遊江東

江上花開盡南行見杪春鳥聲悲古木雲影

入通津返景斜連草迴潮暗動蘋謝公今在
郡應喜得詩人

與鄭饒遊春

東門垂柳長西首獨心傷日暖臨芳草天情
憶故鄉映花鶯上下過水蝶飛揚借問同行
客今朝淚幾行

送魏廣下第揚州覲省

遊宦今空返浮淮一鴈秋白雲陰澤國青草
遶揚州調膳過花下張筵到水頭崑山仍有

王歲晏莫淹留

送夏中丞赴寧國任

楚縣入青楓長江一派通板橋尋謝客古邑
事陶公片雨收山外連雲上漢東陸機猶滯
洛念子望南鴻

送衛雄下第歸同州

下才先上第詞客却空還邊地行人少平蕪
盡日閒一蟬陂樹裏衆火隴雲間羨汝歸茅
屋書窓見遠山

送單少府赴扶風

少年趨盛府顏色比花枝
范晔非童子楊脩豈小兒
叨陪丈人行常恐阿戎欺
此去雲霄近看君逸足馳

題山中別業

舊宅在山中間門與寺通
往來黃葉路交結白頭翁
晚笋難成竹秋花不滿叢
生涯祇麤糲吾豈諱言窮

巫山高和皇甫拾遺

巫山十二峰皆在碧虛中
迴合雲藏日霏微雨帶風
猿聲寒度水樹色暮連空
愁向高唐望清秋見楚宮

山中期吉中孚

行人路不同花落到山中
水暗蒹葭霧月明楊柳風
年華驚已擲志業颯然空
何必龍鍾後方期事遠公

雲際中峰

自得中峰住深林亦閉關
經秋無客到入夜

有僧還暗澗泉聲小荒村樹影間高窓不可
望星月滿空山

贈衡岳隱禪師

舊住衡州寺隨緣偶北來夜禪山雪下朝汲
門開半偈傳初盡群生意未迴唯當與樵
者錫杖入天台

雨雪曲

天山一丈雪雜雨夜霏霏濕馬胡歌亂經烽
漢火微丁零蘇武住踈勒范羗歸若看關頭

下長榆葉定稀

送司空文明歸江上舊居

野菊有黃花送君千里還鴻來鷺又去離別
惜容顏流水通歸夢行雲失故關江風正搖
落宋玉莫登山

送新城戴叔倫

遙想清堤路春天楚國情白雲當海斷青草
隔淮生鴈起斜還直潮回遠復平萊蕪不可
到一醉送君行

送雍丘任少府

叢車餞才子路走許東偏
遠水同春色繁花勝雪天
鳥行侵楚色樹影向殷田
莫學生鄉思梅真正少年

送雍郢州

厭郎思出寺遂嶺漢東軍
望月逢殷浩緣江送范雲
城閑煙草遍浦迥雪林分
誰伴樓中空吟詩估客閒

宿憶江上皎然上人

未得從師去人間萬事勞
雲門不可見山木已應高
向日開柴戶驚秋問弊袍
何由宿峯頂窓裏望波濤

聞吉中孚還俗因而有此贈

聞道華陽客儒衣謁紫微
舊山連藥賣孤鶴帶雲歸
柳市名猶在桃源夢已稀
還家見鷗鳥應媿背船飛

嶽陽逢司空文明得關中書

共有髫年故相逢萬里餘
新春兩行淚舊國

一封書夏口帆初泊
泔陽鴈正踈唯應執杯
酒暫食漢江魚

過宋州

睢陽陷虜日外絕
救兵來世亂忠臣死時清
明主哀荒郊春草遍
古壘野花開欲為將軍
哭東流水不迴

宿深上人房聽遠泉

泉聲宜遠聽入夜對支公
斷續來方盡潺湲
咽又通何年出石下
幾里在山中君問源窮

處禪心與比同

寄王密卿

酒樂今年少僧期近日頻
買山多為竹卜宅
不緣貧志業歸初地
文章寄此身嵇康雖有
病猶得見情人

與蕭遠上人游少華山寄皇甫侍御
尋危兼採藥渡水又登山
獨與高僧去逍遙
落日間漸看閭里遠
自覺性情閒迴首知音
在因令悵望還

代宗挽歌

祖庭三獻罷嚴衛百靈朝警蹕移前殿宮車
上渭橋寒霜凝羽葆野吹咽笳簫已向新京
兆誰云天路遙

代村中老人荅

京洛風塵後村鄉煙火稀少年曾失所衰暮
欲何依夜靜臨江哭天寒踏雪歸時清應不
見言罷淚盈衣

贈故將軍

平生在邊日鞍馬若星流獨出聞千里相知
滿九州恃功凌主將作氣見王侯誰道廉頗
老猶能報遠讎

送陸郎中歸田司空幕

漢家分列宿東土佐諸侯結束還軍府光輝
過御溝農桑連紫陌分野入青州覆被恩難
報西看成白頭

酬晉侍御見寄

野客蒙詩贈殊恩欲報難本求文舉識不在

子真官細雨雙林暮重陽九日寒貧齋一叢
菊願與上賓看

送銅澤王歸城

昔聞公族出其從亦高車為善唯求樂分貧
必及踈身承漢枝葉手習魯詩書尚說無功
德三年在石渠

江上別柳中庸

秦人江上見握手便霑衣近日相知少往年
親故稀遠遊何處去舊業幾時歸更向巴陵

宿堪聞鴈北飛

題崔端公園林

上士愛清輝開門向翠微抱琴看鶴去枕石
待雲歸野坐苔生席高眠竹掛衣舊山東望
遠惆悵暮花飛

喜皇甫即中拜諭德兼集賢學士

為郎三載後寵命一朝新望苑遷詞客儒林
拜丈人鶯飛綺閣曙柳拂畫堂春幾日調金
鼎諸君欲望塵

送黎兵曹往陝府結婚

東方發車騎君是上頭人
莫鴈逢良日行媒
及仲春時稱渡河婦
宜配坦牀賓安得同門
吏揚鞭入後塵

送竇兵曹

梨花開上苑遊女著羅衣
聞道情人怨應須
走馬歸御橋遲日暖
官渡早鶯稀莫遣佳期
過看蝴蝶飛

留別故人

此別不可道此心當語誰
春風灞水上飲馬
桃花時誤作好文士
祇應遊宦遲留書下朝
客我有故山期

奉送宋中丞使河源

東周遣戍役才子欲離群
部領河源去悠悠
隴水分笳聲悲塞草
馬首度關雲辛苦逢炎
熱何時及漢軍

都亭驛送郭判官之幽州幕府

幕府參戎事承明伏奏歸
都亭使者出杯酒

故人違細雨霑官騎輕風拂客衣還從大夫
後吾黨亦光輝

送王羽林往秦州

秦州貴公子漢日羽林郎事主來中禁榮親
上北堂輜車花擁路寶劍雪生光直掃三邊
靖承恩向建章

送客賦得巴江夜猿

巴水天邊路啼猿傷客情遲遲雲外盡杳杳
樹中生殘月暗將落空霜寒欲驚楚人皆掩

淚聞到第三聲

送友入關

聞君帝城去西望一沾巾落日見秋草暮年
逢故人非干長作客有命懶謀身近更嬰衰
疾空思老漢濱

李端集卷第三

李端集卷第四

五言排律

送彭將軍雲中觀兄

聞說蒼鷹守今朝欲下鞬因令白馬將兼道
覓封侯畧地關山冷防河雨雪稠翻弓騁猿
臂承箭惜貂裘設伏軍謀密坑降塞邑愁報
恩唯有死莫使漢家羞

長安書事寄盧綸

弱冠家廬岳從師歲月深翻同老夫見殊寡

少年心及此時方晏因之名亦沉趨途非要
路避事樂空林素業在山下青泉當樹陰交
游有凋喪離別代追尋向秀初聞笛鍾期久
罷琴殘愁猶滿貌餘淚可沾襟勿以朱顏好
而忘白髮侵終期入靈洞相與鍊黃金

酬丘拱外甥覽余舊文見寄

丘遲本才子始冠即周旋舅之鄰鑒愛君如
衛玠賢禮將金友等情向玉人偏鄙俗那勞
似龍鍾却要憐投傳聊取笑贈綺一何妍野
坐臨黃菊溪行踏綠錢巖高雲反下洞黑水
潛穿僻嶺猿偷栗枯池鴈啜蓮身居霞外寺
思發月明田猶恨紫塵網昏昏過歲年

贈岐山姜明府

昨夜聞山雨歸心便似遲幾迴驚葉落即到
白頭時鴈影將魂去蟲聲與淚期馬卿兼病
老宋玉對秋悲謝客纔爲別陶公已見思非
開口腹累自是雪霜姿釀酒裁黃菊炊粳折
綠葵山河方入望風日正宜詩牧豎寒騎馬

邊烽晚立旗蘭凋猶有氣柳脆不成絲別後
如相問高僧知所之

下第上薛侍郎

蓬草春風起開簾却自悲如何飄梗處又到
採蘭時明鏡方重照微誠寄一辭家貧求祿
早身賤報恩遲幸得皮存矣須勞翼長之銘
肌非厚荅骨肉是前期縱覺新人好寧忘舊
主疑終慙太立道不為小生私

奉贈苗員外

朱戶敞高扉青槐礙落暉八龍承慶重三虎
邁朝歸坐竹人聲絕橫琴鳥語稀花慙潘岳
貌年稱老菜衣葉暗新櫻熟絲長粉蝶飛應
憐魯儒賤空與故山違

奉和祕書元丞杪秋憶終南舊居

高門有才子能履古人蹤白社陶元亮青雲
阮仲容田園忽歸去車馬杳難逢廢巷臨秋
水支頤向暮峰行魚避楊柳驚鴨觸芙蓉石
竇紅泉細山橋紫菜重鳳雛終食竹鶴侶暫

巢松願接煙霞賞，羈離計不從。

送歸中丞使新羅

東望扶桑日，何年是到時。
片帆通雨露，積水隔華夷。
浩淼風來遠，虛冥鳥去遲。
長波靜雲月，孤島宿旌旗。
別業傳秋意，迴潮動客思。
滄溟無舊路，何處問前期。

暮春尋終南柳處士

龐眉一居士，鶉服隱堯時。
種萱初成畝，還丹舊日師。
入溪花徑遠，向嶺鳥行遲。
紫葛垂蒼

壁，青菰映柳絲。
偶來塵外事，暫與素心期。
終恨遊春客，同爲歲月悲。

游終南山因寄蘇秦禮士苗員外

半嶺逢仙駕，清晨獨採芝。
壺中開白日，霧裡卷朱旗。
猿鳥知歸路，松蘿見會時。
鷄聲傳洞遠，鶴語報家遲。
童子閒驅石，樵夫樂看棊。
依稀醉後拜，恍惚夢中辭。
海上終難接，人間益自疑。
風塵甘獨老，山水但相思。
願得燒丹訣，流沙永侍師。

雪夜尋太白道士

雪路夜朦朧尋師杏樹東石壇連竹靜醮火
照山紅再拜開金籙焚香使玉童蓬瀛三島
至天地一壺通別客曾留藥逢舟或借風出
游居鶴上避禍入羊中過洞偏迴首登門未
發蒙桑田如可見滄海幾時空

得山中道友書寄苗錢二員外

有謀皆輒軻非病亦遲迴壯志年年減馳暉
日日催還山不及伴到闕又無媒高卧成長

策微官稱下才詩人識何謝居士別宗雷跡
向塵中隱書從谷口來藥欄遭鹿踐澗戶被
猿開野鶴巢雲竇遊龜上水苔新歡追易失
故思渺難裁自有歸期在勞君示劫灰

酬前駕部員外郎苗發

馬融方直校閱簡復持鈔素業高風繼青春
壯思全論文多在夜宿寺不虛年自署區中
職同荒郭外田山隣三徑絕野意八行傳煮
玉矜新法留符識舊仙涵苔溪溜淺搖浪竹

橋懸復洞潛棲鷺踈揚半翳蟬詠歌雖有和
雲錦獨成妍應以馮唐老相譏示此篇

宿薦福寺東池有懷故園因寄元校
書

暮雨風吹盡東池一夜涼伏流迴弱荇明月
入垂楊石竹閑開碧薔薇暗吐黃倚琴看鶴
舞搖扇召桐香舊筍方辭籜新蓮未滿房林
幽花晚發地遠草先長撫枕愁華鬢凭欄想
故鄉露餘清漢直雲卷白榆行驚鵲仍依樹

遊魚不過梁繫舟偏憶戴炊黍願期張末路
還思借前思詎敢忘從來叔夜懶非是接輿
狂衆病嬰公幹群憂集孝璋慙將多誤曲今
日獻周郎

送王副使君還并州

并州近胡地此去事風沙鐵馬垂金絡貂裘
犯雪花曾持兩郡印多比五侯家繼世新恩
厚從軍舊國賒戍煙千里直邊鴈一行斜想
到青油幕長謀出左車

哭張南史因寄南史姪叔宗

爭路忽摧車沉鈎未得魚
結交唯我少喪舊自君初諫
草文難似圍碁智不如仲宣
新有賦叔夜近無書地閉滕
公宅山荒謝客廬殲良從此
恨福善竟成虛釀酒多同醉
烹鷄或取餘阮咸雖永別豈
共仲容踈

晚春過夏侯校書遠其沉醉戲贈

欹冠枕如意獨寢落花前
姚馥清時醉邊韶白日眠
曝禪還當屋張幕便成天
謁客唯題

鳳偷兒欲覘瓊失杯猶離席
墜屨返登筵本是墻東隱
今爲甕下僊卧龍髯乍傑
栖蝶腹何便阮籍供琴韻
陶潜餘秫田人逢轂陽望
春似永和年顧我非工飲
期君行見憐嘗知羯羗好
亦覺醉胡賢炙熟樽方竭
車回轄且全巽風仍作雨
灑地即成泉自鄙新豐過
遲迴惜十年

七言律詩

題元注林園

謝家門館似山林，碧石青苔滿樹陰。
乳鵲貯巢花巷靜，鳴鳩鼓翼竹園深。
桔槔轉水兼通藥，方丈留僧共聽琴。
獨有野人箕踞慣，過君始得一長吟。

閒園即事贈考功王員外

南陌晴雲稍變霞，東風動柳水紋斜。
園林帶雪潛生草，桃李雖春未有花。
幸接上賓登鄭驛，羞為長女似黃家。
今朝一望還成暮，欲別芳菲戀歲華。

寄廬山真上人

高僧無跡本難尋，更得禪行去轉深。
青草湖中看五老，白雲山上宿雙林。
月明潭色澄空性，夜靜猿聲證道心。
更謝說公南座好，煙蘿到地幾重陰。

題覺公新蘭若

頭白禪師何處還，獨開蘭若樹林間。
鬼因巫祝傳移社，神見天人請施山。
猛虎聽經金磬動，獼猴獻蜜雪窓閑。
新齋結誓如相許，願與

雷宗永閉關

贈道者

空中忽有鶴飛聲方士因知道欲成來取圖
書安枕裏便驅鷄犬向山行花開深洞仙門
小路過懸橋羽節輕送客自傷身易老不知
何處侍先生

送皎然上人歸

適來世上豈緣名適去人間豈爲情古寺山
中幾日到高松月下僧行雲陰鳥道苔方

合雪映龍潭水更清法主欲歸須有說門人
流淚厭浮生

妾薄命

玉壘城邊爭走馬銅駝市裏共乘舟鳴環動
珮恩無盡掩袖低巾淚不流疇昔將歌邀客
醉如今欲舞對君羞忍懷賤妾平生曲獨上
襄陽舊酒樓

直中書見寄

名卿步月正淹留上客裁詩怨別遊素魄近

成班女扇清光遠似庾公樓嬋娟更稱憑高
望皎潔能傳自古愁盈手入懷皆不見陽春
曲麗轉難酬

宿淮浦憶司空文明

愁心一倍長離憂夜思千重戀昔游秦地故
人成遠夢楚天涼雨在孤舟諸溪近海潮皆
應獨樹邊淮葉盡流別恨最深何處寫前程
唯有一登樓

夜投豐德寺謁海上人

半夜中峯有磬聲偶尋樵者問山名上方月
曉聞僧語下界林疎見客行野鶴巢邊松最
老毒龍潛處水偏清願得遠公知姓字焚香
洗鉢過餘生

卧病聞吉中孚拜官寄元祕書昆季
漢家採使不求聲自慰文章道欲行毛遂登
門雖異賞韓非入傳濫齊名雲歸暫愛青山
出客去還愁白髮生年少奉親皆願達敢將
心事向玄成

送濮陽錄事赴忠州

成名莫歎雙旌遠，主印還爲一郡雄。
赤葉黃花隨野岸，青山白水映江楓。
巴人夜話孤舟裏，越鳥春啼衆壑中。
聞說古書多未校，肯令才子久西東。

贈道士

姓字不書高士傳，形神自得逸人風。
已傳花洞將秦接，更指茅山與蜀通。
懶說歲年齊絳老，甘爲鄉曲號涪翁。
終朝賣卜無人識，弊服

徒行入市中

贈郭駙馬二首

青春都尉最風流，二十功成便拜侯。
金距鬪鷄過上苑，玉鞭騎馬出長楸。
熏香荀令偏憐小，傅粉何郎不解愁。
日暮吹簫楊柳陌，路人遙指鳳凰樓。

方塘似鏡草芊芊，初月始鉤未上絃。
新開金埒看調馬，舊賜銅山許鑄錢。
楊柳入樓吹玉笛，芙蓉出水妬花鈿。
今朝都尉如相顧，願脫

長裙逐少年

江山逢柳中庸

舊住衡山曾夜歸見君江客憶荆扉
星沉嶺上人行早月過湖西鶴淚稀
弱竹萬株頻礙憤新泉數步一褰衣
今來唯有禪心在鄉路翻成向翠微

戲贈韓判官紳卿

少尋道士居嵩嶺晚事高僧住沃州
齒髮未知何處老身名且被外人愁
欲隨山水居茅洞已有田園在虎丘
獨恠子猷緣掌馬雪時不肯更乘舟

送周長史

青楓樹裏宣城郡獨佐諸侯上板橋
江客亦能傳好信山曾多解說南朝
雲陰出浦看帆小草色連天見鴈遙
別有空園落桃李知將絲組繫蘭橈

送侯道士南歸

南入商山松路深石林溪水畫陰陰
雲中採

藥隨青節洞裏耕田映綠林直上煙霞空舉
手迴經丘隴自傷心武陵花木應長在願與
漁人更一尋

題雲際寺準上人房

高僧居處似天台錫杖銅瓶對綠苔竹巷雨
晴春鳥轉山房日午老人來園中鹿過椒枝
動潭底龍游水沫開獨夜焚香禮遺像空林
月出始應迴

山中寄苗員外

鳥鳴花發空山裏衡岳幽人藉草時旣近淺
流安筆硯還因平石布著龜千尋楚水橫琴
望萬里秦城帶酒思聞說潘安方寓直與君
相見漸難期

題故將軍莊

曾將數騎過桑乾遙對單于飲馬鞍塞北征
兒諳用劔關西宿將許登壇田園蕪沒歸耕
晚弓箭開離出獵難唯有老身如刻畫猶期
聖主解衣看

憶故山贈司空文明

漢主金門正召才馬鄉多病自遲迴舊山斲
別老將至芳草欲闌歸去來雲在高天風會
起年如流水月長催知君素有棲禪意歲晏
蓬門遲爾開

五言絕句

同司空文明過堅上人故院

我與雷居士平生事約公無人知是舊共到
影堂中

送郭良輔下第東歸

獻策不得意馳車東出秦暮年千里客落日
萬家春

妾薄命

自從君棄妾憔悴不羞人唯餘懷粉淚未免
映衫勻

送曠上人遊春

獨將支遁去欲往戴顓家晴野人臨水春山
樹發花

晦日同苗員外遊曲江

晦日同攜手臨流一望春可憐
楊柳陌愁殺故鄉人

溪行逢雨與柳中庸

日落衆山昏蕭蕭暮雨繁
那堪兩處宿共聽一聲猿

和張尹憶東籬菊

傳書報劉尹何事憶陶家
若爲籬邊菊山中有此花

感興

香爐最高頂中有高人
住日暮下山來月明
山上去

幽居作

山舍千年樹江亭萬里雲
迴潮迎伍相驟雨送湘君

題雲際寺暎上人故院

白髮忽忽色青山草草心
遠公仍下世從此別東林

聽箏

鳴箏金粟柱素手玉房前欲得周郎顧時時
誤拂絃

贈胡居士

孔融過五十海內故人稀相府恩猶在知君
未拂衣

薦福寺送元偉

送客攀花後尋僧坐竹時明朝莫迴望青草
馬行遲

哭苗垂

舊友無由見孤墳草欲長月斜鄰笛盡車馬
出山陽

雜詩

主弟辭高飲石家赴霄會金谷走車來玉人
騎馬待

客行贈馮著

旅行雖別路日暮各思歸欲下今朝淚知君
亦濕衣

蕪城懷古

風吹城上樹草沒城邊路城裏月明時精靈
自來去

贈山中老人

白首獨一身青山爲四鄰雖行故鄉陌不見
故鄉人

拜新月

開簾見新月便即下階拜細語人不聞北風
吹裙帶

贈何兆

文章似揚馬風骨又清羸江漢君猶在英靈
信未衰

七言絕句

江上送客

故人南去漢江陰秋雨蕭蕭雲夢深江上見
人應下淚由來遠客易傷心

閨情

月落星稀天欲明孤燈未滅夢難成披衣更

向門前望不忿朝來鵲喜聲

問張山人疾

先生沉病意何如蓬艾門前客轉踈不見領
徒過絳帳唯聞與婢削丹書

重送鄭宥歸蜀因寄何兆

黃花西上路何如青碧連天鴈亦踈為報長
卿休滌器漢家思見茂陵書

宿石澗店聞婦人哭

山店門前一婦人哀哀夜哭向秋雲自說夫

因征戰死朝來逢着舊將軍

與道者別

聞說滄溟今已淺何當白鶴更歸來舊師唯
有先生在忍見門人掩淚迴

長門怨

金壺漏盡禁門開飛鷲昭陽侍寢迴隨分獨
眠秋殿裏遙聞語笑自天來

憶司空文明懷野寺舊居

乘野性共人踈憶向西林更結廬寄謝山

Large stylized watermark or seal, possibly reading '上海' (Shanghai) in a decorative font.

Small square seal impression in seal script, likely a library or collector's mark.

